



Nuuk 20. april 2020

Inatsisartut Suleriaasianni § 37 imm. 1 naapertorlugu Naalackersuisunut apeqquiti imaattut matumuuna saqqummiuppakka:

Naalackersuisunut apeqquiti:

1. Kalaallit Nunaata imartaani immap sikuini, imaani immamilu uumasuni plastikkinik tappiorannartunik mingutsinneqarsimanersut Naalackersuisut misissuinissaminut pilersaaruteqarpat?
2. §37 naapertorlugu apeqquummut nr. 81/2019-imut Naalackersuisut akissuteqaataanni ersippoq Kalaallit Nunaanni plastikkinik atuinermik annikillitsinissamut atueqqinnissamullu tunngatillugu Avatangiisinut Aningaasaateqarfimmu qinnuteqarnissamut kajumissaarinerikkut piujuartitsilluni ineriartornermut FN-ip nunarsuarmi anguniagaa anguniaraat. Kajumissaarut tamanna tunngavigalugu suliniutit qassit aallartinneqarsimappat?
3. §37 naapertorlugu apeqquummut 81/2019-imut akissuteqaammi eqqaaneqartutut immani plastikkit tappiorannartut annikillisinneqarnissaat anguniarlugu nunatsinni ikuaallaaviit pitsaanagerusut qulakkeerneqarnissaat, soorlu aamma taaneqartoq eqqakkanik ikuaallaanermit mingutsitsinerup allap annikillisinneqarnissaa qanoq ingerlasimappat?
 - a. Sumiiffiit sorliit pilersarusiorfigineqarpat, imaluunniit sumiiffinni sorlarni eqqakkanik ikuaallaaviit pitsanngorsaaffigineqarsimappat?
4. Imeq imigassarput kiisalu nunatsinni inuussutissat plastikkinik tappiorannartoqarnerusut imaluunniit ikuaallaanerup angerlarsimaffinniilluunniit eqqakkanik piiaanerup, aamma anartarfilerinerup, imaluunniit sananeqaatinik minnernik nalinginnaasunik piiaanerup malittarisaannik mingutsitsinernik allanik misissuinissamut Naalackersuisut pilersaaruteqarpat?
 - a. Akissut aappiuppat, tamassuma qaqugu pinissaa naatsorsuutigineqarsinnaava?
 - b. Akissut naamiuppat, peqqutaanik Naalackersuisut nassuiaanissaminut piuaaffigineqarput.
5. Imermi imigassatsinni ilaatigut plastikkinik tappiorannartunik sorujuaanarutta sorujuaatit sorliit atussavagut?
 - a. Nunatsinni ullumikkut sorujuaatit taama ittut atorpagut?
6. Imermik imigassatsinnik mingutsitsisut sorliit malinnaavigineqarnissaat Naalackersuisut pingaartippaat?
 - a. Nunatsinni sumiiffinni sorlarni?
7. 2019-imi Upernaakkut Ataatsimiinnermi nunatsinni plastikkimik atuinerup annikillisarneqarnissaanut iliuusissanut pilersarusiortoqarnissaa aalajangiiffigineqarpoq. Tamanna 2020-mi Upernaakkut Ataatsimiinnermi saqqummiunneqartussaassaaq. Naalackersuisut tamanna pillugu suliarfik sumut killippaat?
(Inatsisartunut ilaasortaq Tillie Martinussen, Suleqatigiissitsisut)

Tunngavilersuut:

Nunarsuatsinni ilaatigut plastikkit tappiorannartut kiisalu atorussiat allat mingutsitsinerisa annertusiartorneri peqqutigalugit imeq imigassaq inuussutissallu misissorneqartarput.



**SULEQATIGIISITSISUT
SAMARBEJDSPARTIET**

Isumaqarpugut pissusissamisoortoq nerisartakkagut imerlu imertagarput arlaannik mingutsinneqarsimanersut aamma uagut misissortalissagivut, kisianni immaqa pingaartumik plastikkinik tappiorannartoqarnersut, tamannami ajornartorsiut nunarsuatsinni annertusiartormat.

Aammattaaq erseqqissaatigissavara Kalaallit Nunaanni imeqarfeqarmat aqqusiniliorfigineqartussat allanillu mingutsitsisunik qanittuaniittunik, soorlu assersuutitut Nuummi imeqarfiit eqqaanni sanaartortugut, aammattaarli nunatsinni sumiiffinni allani.

Sineriammi sumiiffiit ilaanni illoqarfiit imeqarfiisa qanittuani suli eqqakkanik ikuallaasoqartarpoq. Nuna tamakkerlugu imeq imigassaq ilaatigullu inuussutissat imaaniit pissarsiarisartakkagut misissorneqarnissaat pisariaqartippasipparput.

Siornatigut takoreerparput nunarsuup sinneraniit mingutsitsinermit saviminissaq arrortikkuminaatsoq inuussutissatsinnut pisartog, taamaattumillu erngup imigassatta qanoq pitsaassuseqartiginerata minguissusaatalu paasinissaa soqutiginarpoq, aammattaaq nunatta imartaaneersut uumasut nerisartakkagut mamarisagullu ilanngullugit.

Taamaammat taakku pillugit aamma najugaqarfanni imeqarfinnik erngullu minguissusaanik isumaginninnerup misissuinerulluunniit killiffia paaserusullugu siammasissumik apeqquteqarpunga.

Inuit ernumanerat eqqarsaatigalugu apeqqutit piaarnerpaamik imaluunniit ullut qulit iluanni akeqquneqarput.

Tillie Martinussen
Samarbejdspartiet - Suleqatigiissitsisut